

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Titulus II. Quæ sint Juris Canonici Causæ?

[urn:nbn:de:hbz:466:1-74413](#)

lutionem Matrimonii propter causas plures, 1. ob Professionem Religiosam; 2. propter Crimen adulterii, aliæ ipsi affinia sceleris; Illæ etiam differentia inde oriri potuerunt, quod Leges Civiles magis spectavere Contractum quam Sacramentum; atque ideo ejus permisere aut toleravere dissolutionem; non feciis atque in ceteris Contractibus, maximè in societate, obtinet: Leges autem Canonicae magis attenderunt ad dignitatem Sacramenti, propter quam indissolubile est. Inde etiam Leges Civiles Connubium jus Servis ademere, quia Nuptia Civitatem desiderabant, cuius communionem non habebant Servi; Jus autem Canonicum illos semper ad Matrimonium admisit, perinde atque ad reliqua Sacraenta. Inde etiam juxta Jus Civile Nuptias sine dotalibus instrumentis, vel pacis Matrimonialibus confecit, irrita erant; atque ideo nati ex Concubinatu Liberi per Nuptias subsequentes Legitimi non siebant, si solemnitas illa omisita fuisset: Jure autem Canonico illa non requiritur ad validitatem Matrimonii, quia non pertinet ab substantia Contractus, qua sufficit ad validitatem Sacramenti, & proinde Matrimonium concubinatum subsequens natos ex eo Liberos absque hac solemnitate Legitimos reddit n. 4. Canon. Suprà laudati.

Juxta Jus Canonicum, si Conjugati alias Nuprias contrahant, pendente circa validitatem primi Matrimonii lite, illæ validæ sunt, si Piores nullæ declaratae sint: Jus autem Civile pro nullo habet ejusmodi Matrimonium, licet prius declaratum fuerit nullum: Hæc differentia oritur fortasse ex eo, quod defectus ille satis gravis Juri Canonico non est visus, ut irritum foret Sacramentum; Juri vero Civili sufficere visus est ad vitandum Contractum, ac proinde Sacramentum n. 36.

Secundum Jus Canonicum, Liberi ex Matrimonio bonâ fide inter Cognatos initio nati, Legitimi non sunt, si Cognatio detegatur, modò celebratum illud fuerit absque Bannorum proclamatione Cap. 3. de Clandes. Despons. & hoc ad coercendam temeritatem, quæ Sacramenta illufsum fuit per administrationem, & receptionem vanam & inutili: Jure autem Civili defectus proclamationis Bannorum non requiritur, ut Filii sint illegitimi.

Cujuscumque generis Impedimentum sit, si Nuptia palam & bonâ fide saltem ex una parte contractæ sunt, Filii sunt Legitimi, licet vitium postea comprobetur, C. 2. & 14. Qui Filii Legitimi, & hoc propter dignitatem Sacramenti: Jure autem Civili, non obstante his circumstantiis illegitimi reputantur n. 45. Contractus hunc favorem mereri visus non est.

Quod attinet ad discriumen Secundarum Nuptiarum Fœminarum infra annum luctus nubentium, illud nascitur ex studio quo æquitatem, animarumque Salutem prosequitur Ecclesia: hinc enim est æquissimum, ut licet Mulieri rursus nubere, statim ac libera est, & certum est eam ex Viro priore gravidam non esse, illinc autem ei denegari non debet Sacramentum, quo indiget; unde iniquum foret, ejusmodi Mulierem infamiae subjiceret, si nubat intâ annum luctus, Cap. 4. & 5. de Nuptiis quæ recessunt ob has rationes à Jure Civili, quod illam penam induxit.

Eodem studio Salutis animarum, & dignitatis Sacramenti contemplatione, inhibitetur Matrimonium propter unicam Depositionem, quæ afferatur aliquod Impedimentum secretum inter Sponsos existere, C. 12. & 27. de Sponsalib. adversante Jure Civili, in quo nunquam ut sufficiens admittitur Testis solitarii Depositio. Eadem de causâ Ecclesia irritum facit Matrimonium contractum propter metum cadentem in constantem virum C. 14. & 15. de Sponsal. licet hæc in Jure Civili non obtineat: meritò enim existimat, coactionem magnam Saluti animarum perniciem, & Sacramento ludibrium, afferre posse. Cap. 17. de Sponsal.

Si Jus Canonicum majorem Ecclesia tribuit potestatem in Personas Ecclesiasticas, tum Sæculares, tum Regulares, in Bona Ecclesiastica, in Ecclesiæ & Loca Sacra, quam ipsi à Jure Civili conceditur, id oritur ex eorum consecratione ad Cultum Divinum, cuius speciale curam gerit. illæ differentia; earumque causa exposta sunt in *Traictatu de bonis Ecclesiasticis*, de *Ministris Sacris*, de *Ecclesiis*.

Hinc tot Canones orti sunt circa Ecclesiastica Bona, ac præcipue Decimas, quæ illarum dispositio ad solam pertineret Ecclesiæ, illæque à Sæculari Potestate minimè penderent: Quoad Decimas, alia ratio illas Ecclesiasticae Potestati omnino subjecit; scilicet, quia Novi Testamenti Decimas, perinde atque Antiqui, estimando, illas etiam à Jure Divino constitutas esse arbitrii sunt Pontifices & Canones de illarum præstatione agentes: Unde etiam natum est, ut licet Decima non nisi ex fructibus percipiantur, & fructus in Jure Civili, non nisi deductis impensis, intelligentur, tamen antè deductionem impensarum, Decima capiantur: Decimas enim spectata sunt, ut Deo debitum propter ejus Dominium generale in omnes fructus Terræ, atque ideo, ejusdem Conditionis reputatae sunt ac Jus Galliæ Champart, sive Jus Dominicum certâ frugum Parte constans, quæ ratione impensarum in culturâ aut collectione factarum non habita, præstatur Domino.

Inde nascuntur omnes Canones circa alienationes, qui, omisis quibusdam Solemnitatibus à Jure Civili re quisitis, ab eo recessere: inde illi rerum profanarum amotionem in Ecclesia factam inter sacrilega furta computant, adversante Jure Civili, in quo pro furto simplici habentur. Talis est C. 21. Can. XVII. Q. 4. Inde Canones, qui Ecclesiarum immunitates longius producent, quam Jus Civilis, azyli jus Homicidis voluntariis concedendo, quod ipsi à Jure Civili denegatur, C. 6. de Immun. Eccles.

TITULUS II.

Quæ sint JURIS CANONICI Causæ?

Jus Canonicum, ut aliae res, quatuor habet Causarum genera, efficientem, materialem, formalem, & finalem: de singulis seorsim agemus, post CORRASUM de Methodo Juris Canonici, idque paucis de tribus Prioribus, quia plures de iisdem loquendi occasiones occurrent.

S. I.

Quæ sit JURIS CANONICI causa efficiens?

Juris Canonici duplex est causa efficiens; altera principalis, nempe Spiritus Sanctus, altera quasi instrumentalis, nimurum Ecclesia Ministris: de quâ instrumentalis hic agimus, eamque cum principali Civilis Juris causâ comparamus, ut, quæ dicimus, facilius intelligentur. Comparatio autem in eo tota sita est, quod ut Juris Civilis causa efficiens est Potestas Temporalis residens in iis, qui Temporalia administrant, ita Juris Canonici causa efficiens est Potestas Spiritualis residens in iis, qui Ecclesiam regunt.

Sicut Jus Civile toti eidem Regno commune, est à Supremo illius Regni Reatore; Jus vero nonnullis hujus Regni Partibus proprium, est ab his, qui istis præsumt Partibus, consentiente tamen Principe: ita Jus Canonicum toti Ecclesiæ communem, est à Summo Pontifice Ecclesiam in Concilio Generali, vel extra gubernante; Jus vero proprium hujus Ecclesiæ Partibus, est ab illis, qui illas Partes regunt consentiente tamen Universæ Ecclesiæ Præside; Hæc juxta sententiam, quæ Regimen Ecclesiæ merè Monarchicum existimat, quæque apud Gallos non recipitur, sicut nec apud alios, qui Conciliarum Constantiensis & Basileensis Decreta circa Superioritatem Concilii Generalis supra Pontificem acceptarunt. Hi siquidem sentiunt, Ecclesias

clesiae Regimen esse Aristocratiā temperatum; istius Concilii Tribunal esse ultimum Tribunal, ideoque in illo residere Supremam Jus condendi Potestatem, quā de Re fūse dūm de Ecclesiā.

Denique sicut in Jure Civili sunt Leges quā à singulis Regnorum Partibus recipienda sunt, quia sunt Regnorum Saluti necessariae; sunt verò aliae, quae Principe non reclamante, à quibusdam Regnorum Partibus possunt non recipi; ita in Jure Canonico sunt quedam Ecclesiæ Leges, quae à singulis Ecclesiæ Partibus recipienda sunt, quia Saluti Aeternæ sunt necessariae; tales sunt, quae Fidei vel Mores internos respiciunt; sunt aliae quae, Ecclesiæ non reclamante, à nonnullis Ecclesiæ Partibus tamquam sibi non utiles possunt non recipi; tales sunt, quae Saluti Aeternæ non sunt necessariae, ut potè Mores externos solum contingentes.

Hinc sequitur 1. Jus Canonicum cum Jure Civili, quantum ad causam efficientem quasi instrumentalem, in nonnullis convenire, in aliis differre. Convenire in hoc, quod in Utroque causa efficientis est Potestas Suprema; Differre verò in hoc, quod Juris Civilis causa efficientis est Potestas Temporalis, Juris verò Canonici causa efficientis est Potestas Spiritualis. 2. Sequitur, quod ad causam efficientem quasi instrumentalem, Jus Canonicum Juri Civili tantò præminere, quantum Spiritualis Potestas Temporalis præmet; quantum verò ad causam verè principalem, eo Jus Civile gradu superare, quo Deus Homines. Quae autem istam respiciunt, explanantur de CONCILIIS sive in genere sive in specie aliisque Tractatibus ad eandem rem pertinentibus.

§. II.

Quæ sit materialis causa JURIS CANONICI.

Duplex est causa materialis, nempè in quā, & circa quam. Juris materialis causa in quā, sunt Personæ, quae huic Juri subjiciuntur: & ista sunt singuli Fideles, ut fideles sunt, à maximo usque ad minimum. Juris Canonici causa materialis circa quam, sunt Res Sacrae, sive Spirituales; quales sunt Fides, aliaque Virtutes, Sacramenta, Missa que Sacrificium; sive Temporales, quales sunt Ecclesiæ Facultates, nec non Loca Divino Cultui dicata.

Hinc sequitur 1. Quoad causam materialem Jus Canonicum Juri Civili tantum præminere, quantum Personæ, & Res Sacrae alii præminent. 2. Ratione materialia, Juris Canonici constitutionem ad Potestatem Spirituali pertinere, eaque ratione Juris Civilis institutionem spectare Potestatem Temporalem.

Nota obiter communem Juris Canonici divisionem in tres Partes, nimirum in Personas, Res, & Judicia, à causa materiali peti; nam tertia, quae de Judiciis, non aliud respicit, quam Actiones, Personas, & Res, quae sunt prima & secunda Partis Argumentum, ideoque non est nisi nova, scilicet sub alia facie, materia prima & secunda Partis consideratio.

De materia posteriori modo considerata, FLORENS multa habet curiosa, utiliaque in *Dissert. de arte Juri Canon.* nec non in Prafatione de Methodo GRATIANI, & in *Oratione de aperiendis Scholis JURIS CANONICI.* Idem dicendum de DOUJATIO PRÆNOT. *Canon. l. i. c. 2.* quae omnia notabuntur in *Comparatione Collectionum in CORPORE JURIS contentarum sive inter se, sive cum aliis, tam ORIENTALIBUS quam OCCIDENTALIBUS.*

§. III.

Quæ sit JURIS CANONICI causa formalis?

Nomine forma id intelligitur, vel modus Jus condendi, vel modus colligendi, ordinandique illius iusta, veritave.

Non una est Ecclesiæ Leges condendi forma; conduntur enim 1. vel per Canones, qui sunt breviores Regulae aliquid præcipientes vel prohibentes, non additæ, ut plurimum, præcepti vel prohibitionis causâ.

II. Vel per *Epistolas Decretales*, ita dictas, quia Pontifices istis Epistolis, iis respondentes à quibus consulti sunt, quid faciendum vel non faciendum sit, dicerunt, vel decidunt, additæ Decreti ratione vel Decisionis.

III. Vel per *Constitutiones, Statuta, Decreta, Ordinationes, & Bullas*; quae omnia sunt, quoad rem, de qua agitur, synomina; quibus aliquid jubar, vel vetatur, præmisæ, ut plurimum, per modum Præfationis, iussi vel vetiti causa seu occasione.

IV. per *Collectionem desumptarum è Scriptis SANTORUM PATRUM Sententiarum.*

V. Vel per *Confuetudinem*, quā quid faciendi, vel non, obligatio sine scripto inducitur.

De Primâ loquitur GRATIANUS in 2. DIST. illiusque Interpretes, inter quos nonnulla habet VAN ESSEN circa *Legem Satyram* vel *Satram*, meritò notanda, ac in proxim redigenda; De Secunda FLORENS in cit. locis & DOUJAT in l. 3. de *Prenot. Canon.* Nosc que post eos in *prætitio Comparatione Collectionum.* Idcirco de Secunda paucis hic agemus: de Primâ vero, cum de illâ dicenda notissima sint, quam brevissime poterimus, illa exponemus.

Primus ex prædictis Leges Ecclesiæ condendi modis, scilicet per Canones brevissimos, non parùm conformis videtur adhibito modo, in scribendis Legibus XII. Tabularum: Quoad alios, Jus Canonicum convenit cum Jure Justiniane, inquit illos è Jure Civili despiciunt; Leges enim in Corpore Juris Civilis collectæ, desumuntur, vel è Sententiis Veterum Jurisconsultorum, quales quæ in Digestis vel ex Epistolis Imperatorum ad eos, à quibus consulebantur, missis, vel ex eorumdem Constitutionibus, quales ceteræ, quæ in aliis Juris Civilis Libris continentur: hæc de forma condendi Jus.

Nunc de modo colligendi & digerendi, qui ad formam Juris nonnulli pertinet; Jus autem Canonicum in colligendis & digerendis Ecclesiæ Legibus Juris Civilis ordinem secutum fuisse palam est: Jus enim Canonum suum habet *Digestum*, vel *Pandectas*, in Decreto GRATIANI Codicem in Collectione GREGORII IX. Novellas in Collectionibus VI. CLEMENTINARUM, & EXTRAVAGANTIA; denique *Institutiones*, in hoc tantum differentes, quod Authenticæ non sunt; seu publicæ autoritate donatae probatae, quod ceteræ non impares.

Nota obiter circa tertium Leges Ecclesiasticas condendi modum, *Bulla nomen proprium esse Constitutionibus*, quas edunt Summi Pontifices, certa formâ infra notandum, dum de *Constitutionibus* vel de *Re scriptis* agetur, ubi cum CABASSUT. Theor. & Prax. l. 1. c. 6. n. 6. illarum forma notabitur, ceteraque ad illas pertinentia.

§. IV.

Quæ sit causa finalis JURIS CANONICI?

Cum Ecclesiæ Leges, à quibus Jus Canonicum componitur, non sint, ut vidimus, ejusdem generis; sed alia sint, quæ vel Fidei vel Mores internos respiciunt; alia verò, quæ Disciplinam, seu Mores externos, seu externam Politiam, hec enim tria sunt synomina, spectant: hinc sit, ut non una sit totius Juris Canonici causa finalis. Ut enim immediatus seu proximus primi generis Legum finis est Aeterna Felicitas, immediatus & proximus Legum secundi generis est bonum Ecclesiæ Regimen, mediatus vero & ultimus est Aeterna Fœlicitas.

Hinc sequitur Jus Canonicum Juri Civili præminere, ratione finis tam Legum que Fidei & Mores spectant, quam aliarum quæ Disciplinam respiciunt; cum Juris finis Civilis sit Temporalis Imperiorum Salus, cui Aeterna Salus, quæ est finis Legum primi generis infinitè præstat; cùmque bonum Ecclesiæ Regimen, quod est aliarum finis, non parùm præcellat bona Regnorum Temporalium administrationi, propter Ecclesiæ suprà Imperia præminentiam.

§. V.

Suppositum fuit, JURIS CANONICI finem esse Vitam Æternam, atque in eo discrepare illud à JURE CIVILI, quod tendit ad Felicitatem Temporalem, in pace & securitate Republica consonantem; Quæritur, an id locum habeat in OMNIBUS JURIS CANONICI PARTIBUS.

BOETIUS EPON. l. 1. de Jure Sacro Questionem hanc fusè tractat, & DOUJAT lib. 5. cap. 22. Prænotionum Canonarum dat Summam rationum hinc & indè adductarum, atque affirmativam cum BOETIO tuetur adversus FORTUNUM GARCIA, qui hujus Capitis occasionem præbuit: Quoniam illi Autores certum cum incerto permiscueré, mihi necessarium vñsum est utcunq; distingueré, atque ea, quæ sunt extrà dubium ad decisionem rerum dubiarum accommodare.

Convenire debet, Leges Canonicas à Lege Divinâ manantes, in Vitam Æternam omnes proxime tendere, quia earum finis est idem ac Legis Divinæ, à quâ flunt, hæc autem condita est ad dirigendos Homines ad Vitam Æternam, quæ unicum est præmium ejus Legis observatione dignum. Inter has Leges Canonicas, ea collocantur, quæ circa Fidem, Spem & Caritatem, quarum Deus est primum objectum & finis, propius versantur; nec non illæ, quæ constituent modum substantiale conferendi & accipiendo Sacra menta, offerendi validè Sacrificium Missæ, eique ritè adstanti: Collocantur etiam ea, quæ res Plebi in Concionibus aperiendas, aut feciis, definient, vel conditions ad benè orandum necessarias, & quando ac quomodo preces fundi debeant; denique omnes Leges, quæ circa Salutis media versantur, ita ut illis negligēt à Salute aberretur; Ratio, propter quam convenit, omnes istas Leges ad Vitam Æternam finem dirigi, est, quia pertinent illæ ad Legem Divinam, ad cuius interpretationem, & executionem condita sunt; Legis autem Divinæ finis est, procul dubio, Vita Æterna; Quoniam omnia Dei præcepta in præcepto amoris Dei super omnia concluduntur, ut docet S. PAULUS, dicens, finem præcepti esse Caritatem, omnes Leges Canonicas, quæ præcepta Divina spectant, comprehensæ sunt inter eas, quæ circa Caritatem versantur.

Difficultas proposita non complectitur nisi Leges Canonicas meram Disciplinam continent, & Leges Civiles Juri Canonico insertas. Ambigi potest, an utrumque hoc Legum Canonarum genus ad Vitam Æternam dirigatur; nam illæ gubernationis ordinationem spectare tantum videntur, & Ecclesiæ non congruere, nisi in quantum ea est Corpus Politicum, nec aliud proinde finem habere, quam Leges Politicas, quæ ad Communum Societatis Bonum, quietem, & securitatem Reipublice diriguntur. Aliud eriam argumentum movet ad putandum, harum Legum finem non esse Felicitatem Æternam; scilicet quoniam ex pro Temporibus & Locis variantur: conduntur enim prout ha circumstantiæ postulant; ubi illis opus non est, illæ exolefcunt; itaque Tempora ac Regiones reperiuntur, in quibus Salus his Legibus non alligatur: Salutis autem Leges immutabiles sunt, omnibus Fidelibus communis, omnibus Temporibus & Locis congrua. Imò Leges Politicae neminem nisi post acceptationem adstringunt, contrariæ consuetudine possunt abrogari, sicut per contrarias Leges; Acceptatione non indigent Leges Salutis, nec antiquatione sunt obnoxia. Urgetur etiam ex eo, quod Leges Disciplinæ sunt Leges Humanæ, perinde ac Leges Civiles, eundemque effectum habent, scilicet coercionem libidinis, qui fluit ex Lega Naturali, quæ docet & præcipit, honestè vivere, nemini nocere, siuum cuique tribuere, (Praf. Decretal).

Ad tollendam hanc difficultatem observandum est, juxta Canonistarum sententiam, Leges Civiles Juri Canonici Corpori insertas, ejus Partem non esse, ita

ut Legis Canonica vim obtineant, nisi quandò sunt in Collectionibus ab authoritate legitimâ profectis & corroboratis, de quibus infra agetur; eæ solæ vocantur ab illis Canonifatæ.

Inter eas Leges, quædam factæ sunt ad procurandam Ecclesiasticarum Legum circà Dogma aut Mores executionem; & quoniam hæ Legis Divinæ vim & effectus habent, propter rationes suprà allatas, Legi Divinæ quodammodo participant Leges Civiles, quæ earum executioni provident, propter eamdem causam. Igitur difficultas proposita, non cadit in has Leges Civiles, quæ Legum Canonarum, quarum executionem curant, naturam habentes, finem cum eis communem habere debent.

Aliæ Leges Civiles condita sunt, ut providerent executioni Legum Canonarum, quæ Politiam Sacram spectant, vel ut cum eis ad illam stabilidam concurrerent, cùm plurimæ res utriusque Potestatis concursu indigeant: argumentum & exemplum luculentum præbent Dici Festi, quorum Institutio utramque Potestatem spectat.

Quamvis Ecclesia sit Corpus Politicum, illa tamen nunquam Leges condit quatenus Corpus merè Politicum, sed semper quatenus Societas Politico-Sacra: Caracterem suum distinctivum in omnibus suis operibus gerit, eodem Spiritu impellitur, & proinde ad eundem finem dirigere debet Leges, sive merè Politicas aut Disciplinaires, sive omnes cæteras.

Inter Leges, quas in Concilio Hierosolymitano tulerunt APOSTOLI, quædam meram Disciplinam continent, talis erat prohibitus edendi suffocata, tale erat præceptum ab Idolotitis, seu iis, quæ immolata fuerant Idolis, abstinenti; quæ tamen Leges Spiritui Sancto nihilominus adscribuntur, quæ vitanda fornicationis præceptum. Eiusdem Spiritus afflato, PAULUS vetuit Mulieres orare capite non velato; sed hoc meram Disciplinam continet. Eodem Spiritu impellente, constituit Irregularitatem bigamia, & cæteras, de quibus loquitur in suis ad Timotheum, & Titum Epistolis, quæ tamen sunt Disciplinæ meræ. Leges autem illæ speciales à PAULO institutæ, non minus ad Salutem dirigebantur, quæ illæ, quæ circa Dogma vel Mores condidit. Propter eamdem rationem, & Apostolorum instar, Concilia Spiritui Sancto adscriptæ suas Leges Disciplinaires, perinde ac cæteras, persuasum habentibus Episcopis, promissionem, quam fecit Jesus, sive in medio eorum ad futurum, qui in ejus nomine congregati erunt, quam sibi toties applicare, pertinere & extendi ad omnes Leges, quas hæc Comitia condunt, aut condere posint.

Quemadmodum Spiritus, qui Ecclesiam in conditione Legum Disciplinalium adjuvat; eas ratione principii suprà Leges Civiles evicit, ita eis finem superiore dare videtur: ille enim Spiritus est Caritas, Caritas autem ad Felicitatem Æternam dirigitur: unde dici nequit, illæ Leges esse merè Humanæ, neque ratione principii, neque ratione finis earumdem, licet ipsæ eundem effectum habeant ac Jus Civile, eum tamen nobilius modo assequuntur; et si tria præcepta generalia, de quibus locuti sumus, utrique Juri sunt communia, luculentius in Jure Canonico exponuntur, & ad finem potiorem diriguntur. Conferendo Jus Canonium cum Civili ratione finis, attendi non debet, id quod utriusque commune est, sed id, in quo differunt: ex differentia suum finem habet Jus Canonicum, sicut Homo finem suum sortitur ex eo, in quo ab animali mero diffat, non ex eo quod ambonus commune est. Quod dictum est de effectu & præceptis communibus utriusque Juri, Canonico & Civili, tam Leges Canonicas, quæ circa Mores sunt, quam eas, quæ Disciplinam ordinant, respicit.

Inter Leges Disciplinam ordinantes, quædam sunt Universales, & perpetuae; tales sunt, quæ Quadragesimam,

mam, Abstinentiam à carnis in certis diebus, Solennitates præcipiorum Incarnationis Mysteriorum constituerunt; nam illa Temporibus Apostolicis instituta hucusque perseverant, & tam latè diffusa sunt, quād Ecclesia Catholica. Quadam Leges certis Regionibus & Temporibus sunt peculiares; talis erat Pars major Canonum, qui Pœnitentiam Publicam in criminis graviora statuebat, certasque exercitationes humiliantes, & laboriosas, palam obeundas: sed hoc discrimen inter eas & priores Leges non extendit ad finem, neque ad principium eorum, quoniam omnes sunt Leges Ecclesiæ, quam Spiritus Sanctus adjuvat, qui Spiritus est Caritatis, seu Dilectionis: Utraq[ue] sunt Leges Salutis ratione Temporis, quo vivunt, & Personarum, quas respiciunt.

Quod legitur in multis Canonibus Disciplinalibus circa Electiones, aut Collationes Beneficiorum, nempe eorum Definitionem ad Salutem animarum tendere (alia sunt Cap. 41. de Elec. & Cap. 35. de Prab. in VI.) in ceteris subintellige debet, qui ad Disciplinam respicientes illam mentionem nominatim non continent. Porro illa finis commemoratio fit in quibusdam nominatim; secū verò in ceteris, quia Definitiones priorum Saluti magis necessariae sunt, quād posteriorum; illa autem major necessitas inculcari debuit per mentionem motivi ex animarum Salute desumpti.

Boettius L. 1. de Jure Sacro C. 1. plures quād nos Canones colligit, qui suam Dispositionem ex eo confirmant, quod ea ad animarum Salutem vergat, sed plerique circa Mores versantur, scilicet Jusjurandum, Restitutionem, Usuras, Restitutionem spoliatorum, Præstationem rerum Ministris Sacris necessariarum, damnorum Reparationem, Ignorantiam Legis invincibilem, Communicationem cum Excommunicatis.

Locutio hæc, tendere ad Salutem animarum, & hæc dirigere ad Vitam Æternam, respectu Juris Canonici sunt duæ locutiones synonymæ; nam Salus animarum est Vita Æterna, sicut Salus Corporum est Vita Corporalis conservatio; quoniam anima non salvantur nisi per acquisitionem Vita Æterna, quæ eas à Morte Æterna liberat, quæ ipsarum pernicies est; sicut Corpora non salvantur, nisi emergant à periculo, quod illa morti objiciebat.

Denique Salus animarum, quæ perficitur per Vitam Æternam, adeò Legum omnium Ecclesiasticarum finis est, ut ob hanc rationem vocentur Spirituales, earumque Argumenta, & Principium eodem nomine designentur; unde fit, ut ejus authoritas vulgo sub nomine Spiritualis Potestatis exponatur; sicut expontur authoritas Principum sub titulo Potestatis Temporalis; à distinctione duarum Potestatum, quæ Ornamenta regunt, quarum una Res Spirituale sibi vindicat, sic dictas propter suam connexionem cum animabus, quæ sunt Spiritus, altera Res Temporales aut Materiales administrandas sortitur, quæ ita vocantur ob connexionem cum Tempore, cui obnoxia sunt, & cum quo desinunt, & cum Corpore, quod materiales est.

TITULUS III.

Quæ sint JURIS CANONICI PARTES?

DE Juris Canonici Partibus per transennam jam locuti sumus, cùm de causâ illius materiali agebamus: nunc de iis ex professo loquemur.

Jus Canonicum communiter dividitur in tres Partes, nempe in Personas, Res, & Judicia; idque fit, quia omnia, quæ in eo tractantur, reducuntur vel ad Personas, vel ad Res, vel ad Judicia, si ipsius Juris principia exceperis, in duobus potissimum sita, quorum alterum ipsius naturam reficit, seu quid sit, in quo cum aliis Juribus cæterisque Rebus conveniat, & in quo à Rebus illis differat? Alterum verò spectat quatuor ipsius causas; nam quidquid tradit GRATIANUS, à 1. DISTINCT usque ad 21. in quā de Personis agere incipit, ad illa duo capita rediguntur; quæ verò colligunt GREG. IX. à TIT. I. usque ad 5. in quo de Personis loqui ceperit, reducuntur, vel ad causam efficientem principalem, nempe Summam Trinitatem; vel ad causam efficientem quasi instrumentalem, nempe Potestatem Spiritualēm, quæ condit Constitutiones, quæ Rescripta mittit, quæ Confuetudinibus autoritatē dat; vel ad causam formalem, nempe Leges Ecclesiasticas condendi modum, quorum Secundus est Rescriptum; Tertius Constitutio, quæ cùm sit vel scripta, vel non scripta, Confuetudinem, quæ est Constitutio non scripta, comprehendit; vel ad materiale, nempe Fidem Catholicanam, quæ est Pars causæ materialis Juris Canonici; vel ad finalem, nempe Summam Trinitatem clarè intuendam.

Personæ subdividi possunt in Ecclesiasticas, Regulares, & Laicæ, Ecclesiasticas in Episcopos, Clericos ordinatos, & non ordinatos; Episcopi in Simplices Episcopos & Episcopos in dignitate superiori constitutos: *Illi* in Archiepiscopos, Primates, Patriarchas, & Summum Pontificem.

Clerici ordinati in Presbyteros, Diaconos, Subdiaconos, Acolytes, Lectores, Exorcistas, & Ostiarios. Presbyteri in Simplices Presbyteros, & in Presbyteros suprà alios constitutos: & *Illi* in Archipresbyteros, Præpositos, Chorpiscopos, Decanos, Parochos, Vicarios Temporales, cæterosque, quorum Officium Presbyteratum requirit.

Diaconi in Simplices Diaconos, in Diaconos Cardinales, Archidiaconos & Canonicos Diaconos, a liosque, si qui sunt, quorum Officium Ordinem exigat.

Subdiaconi in Simplices Subdiaconos, & Canonicos Subdiaconos.

Clerici non ordinati, in Simplices Tonsuratos, & Tonsuratos Beneficiatos; *Illi* verò in Capellanos, & Priores.

Personæ Regulares subdividuntur in Regulares Canonicas, & Regulares Monachos.

Monachi, in Simplices Monachos, in Priores Obedientiales, Priores Claustrales, Priores Conventuales, & Abbates.

Regulares Canonici, in eos, qui in dignitate vel officio constituti, & in eos, qui utroque carent.

Personæ Laicæ subdividi possunt, in Conjugas & non Conjugas; utræque verò, in eas, quæ præsunt, & eas quæ subduntur.

Non Conjugatae in Virgines & Videlas.

De Personis autem agitur in primâ Parte GRATIANI à DIST. 21. usque ad finem illius Partis. In Lib. I. DECRET. à Tit. V. usque ad ult. illius Libri & in nonnullis Tit. III. IV. & V. ut patebit percurrenti.

Jamjam adeit ad Rerum subdivisionem transundi tempus; sed priùs monendum est Lector, non unam causam nos movisse, ut reliquo rùm GRATIANI, tūm GREGORII IX. ordine, dūm de Personis agunt, à se mox lectum sequeremur; ad id tamen nos præcipue impulsos, ex eo quod GRATIANUS separanda conjungit, qualia sunt ad Ordines Impedimenta unius generis cum similibus alterius generis; sejungit verò quād, quæ jungenda sunt, qualia sunt eadem ad Ordines & Beneficia Impedimenta, quæ Irregularitates vulgo vocantur, aliaque similia; nam GRATIANUS Irregularitates ex delicto, quæ ab aliis sejungendæ sunt, cum Irregularitatibus ex defectu commiscet, & post tractatas alias Res, quæ nec ad jam dictorum, nec ad statim dicendorum explicationem necessariae sunt, rursum de quibusdam ex delicto & ex defectu Irregularitatibus permixtum loquitur: Prætereà sejungit Personas à Personis; nam loquitur de Clericis in Primâ Parte; in Secundâ versus medium de Regularibus, & versus finem de Laicis, tūm Conjugatis, tūm non Conjugatis.

Quantum ad GREGORIUM IX. nonnulla conjungenda sejungit; nam Irregularitates ex defectu secerit ab

Irre-